

Xeev Cov Ntsiab Qauv Kawm

KEV KAWM LUS ASKIV

Qib
2

Qhov kev pab koj txhawb koj tus me nyuam txoj kev kawm

Hauv qib ob, cov me nyuam yuav npaj kawm cov kev nyeem ntawv, kev sau ntawv, kev hais lus, thiab kev mloog lwm tus hais ntxiv mus. Lawv yuav los xav, los tham, thiab los sau txog tej yam lawv nyeem nyob hauv ntau yam ntawv nyeem, xws li cov dab neeg, cov phau ntawv, zaj lus sau, thiab lwm yam ntau ntawv xws li Internet tib si. Nyob hauv lawv qhov kev sau ntawv, cov me nyuam kawm ntawv yuav kawm qhov los npaj sau nqe lus thiab qhov ua kom lawv cov kev txawj zoo ntxiv uas yog kho kom raug thib kho dua rau. Tej yam yuav ua hauv cov kev kawm no yog xws li:

- Nyeem cov dab neeg, xws li cov lus nruag (fables & folktales) los ntawm ntau haiv neeg cov keeb kwm kev coj, thiab txheeb tshooj lus kawm los yog kev raug kev txhaum ntawm zaj dab neeg
- Nyeem cov ntawv hais txog keeb kwm, nywj keeb, los yog txuj ci thiab txheeb lub niam tswv yim
- Teb cov lus nug *who, what, where, when, why*, thiab *how* hais txog cov dab neeg thiab cov phau ntawv
- Piv tej txheeb lus tsim nyog uas tus sau muab los txhawb nqe lus sau
- Kawm thiab siv tej lo lus tshiab
- Ua lawv lus piv cov ntsiab tau kawm hauv zaj lus sau los yog cov phau ntawv tau nyeem rau
- Koom rau chav kawm cov kev sib tham nthuav tswv yim
- Koom tes nrhiav cov ntsiab thiab cov lus hais txog nqe lus
- Sau cov dab neeg luv luv ntawm cov txheeb xwm thiab piv tes hauj lwm, cov kev xav, thiab cov kev xam pom
- Sau txog cov tswv yim hauv cov phau ntawv uas yog siv txhua yam tseem ceeb thiab cov piv tswv los txhawb qhov lawv sau
- Kawm txog cov kev cai hais thiab sau lus Askiv

Hauv qib ob, cov me nyuam kawm ntawv yuav nyeem cov dab neeg thiab cov paj huam. Tsis tas li ntawd, lawv yuav nyeem los kawm txog keeb kwm, lub ntiaj teb, txuj ci (science) thiab lwm yam. Ntawm no yog ob peb qhov piv txwv ntawm qhov koj tus me nyuam yuav npaj xyaum cov kev nyeem ntawv tseem ceeb nyob rau qib duas kawm.

Kev Nyeem Ntaub Ntawv

| Qib ib Kev Nyeem Ntawv | Qib Ob Kev Nyeem Ntawv | Qib Peb Kev Nyeem Ntawv |
|--|--|---|
| Cov me nyuam kawm ntawv rov qhia dua cov dab neeg, xws li txhua yam tseem ceeb, thiab qhia tau tias lawv nkag siab tshooj lus kawm los yog kev ua raug ua txhaum ntawm zaj dab neeg. | Cov me nyuam kawm ntawv rov qhia dua cov dab neeg thiab txiav txim xyuas lawv lub ntsiab lus tseem ceeb, tshooj lus kawm, los yog kev ua raug ua txhaum. | Cov me nyuam kawm ntawv xyuas dua cov dab neeg thiab txiav txim xyuas lub ntsiab lus tseem ceeb, tshooj lus kawm, los yog kev ua raug ua txhaum, piv qhov nws tau tsim muaj li cas nyob hauv cov ntawv nyeem. |
| Cov me nyuam kawm ntawv txheeb seb tus neeg twg qhia zaj dab neeg nyob rau ncuva twg hauv phau ntawv nyeem. | Cov me nyuam kawm ntawv paub qhov sib txawv hauv tej kev xam pom ntawm cov neeg hauv zaj lus, xws li kev hais lub suab sib txawv thaum nyeem zaj lus sib tham nrov nrov. | Cov me nyuam kawm ntawv cim tau lawv tus kheej qhov kev xam pom txawv tus piv zaj lus los yog cov neeg hauv zaj lus li. |

Kev Nyeem Kom Paub Cov Ntsiab Lus

| Qib Ib Kev Nyeem Ntawv | Qib Ob Kev Nyeem Ntawv | Qib Peb Kev Nyeem Ntawv |
|--|---|---|
| Cov me nyuam kawm ntawv nug thiab teb cov lus nug hais txog txhua yam tseem ceeb hauv phau ntawv nyeem. | Cov me nyuam kawm ntawv nug thiab teb cov lus nug xws li <i>who, what, where, when, why</i> , thiab <i>how</i> los nthuav qhia qhov kev nkag siab ntawm txhua yam tseem ceeb hauv phau ntawv nyeem. | Cov me nyuam kawm ntawv nug thiab teb cov lus nug hais txog tej yam lawv tau nyeem hais tsi ntees rau tej suam ntawm cov ntawv nyeem. |
| Cov me nyuam kawm ntawv siv cov kev nrag duab nthuav qhia thiab txhua yam hauv phau ntawv nyeem los piv cov tswv yim tseem ceeb. | Cov me nyuam kawm ntawv piv qhov cov duab los yog cov kev nrag duab nthuav qhia tseem ceeb. | Cov me nyuam kawm ntawv siv cov ntsiab lus tau kawm los ntawm cov duab los yog cov kev nrag duab nthuav qhia. |

Kev Sau Ntawv

Cov kev sau ntawv hauv qib ob yuav muaj xws li cov dab neeg, daim ntawv sau, daim ntawv sau cej luam, thiab daim ntawv sau haub. Nov yog ob peb qhov piv txwv ntawm qhov koj tus me nyuam yuav npaj cov kev xyaum sau ntawv tseem ceeb nyob rau txhua qib duas kawm.

| Qib Ib Kev Sau Ntawv | Qib Ob Kev Sau Ntawv | Qib Peb Kev Sau Ntawv |
|---|--|---|
| Cov me nyuam kawm ntawv teev nqe lus thiab muab qee yam ntsiab lus hais txog nqe lus. | Cov me nyuam kawm ntawv taw qhia nqe lus, thiab siv cov ntsiab lus thiab cov ntsiab lus txhais los npaj cov lus sau. | Cov me nyuam kawm ntawv taw qhia nqe lus thiab siv cov ntsiab lus, cov ntsiab lus txhais, thiab txhua yam los npaj cov lus sau. |
| Cov me nyuam kawm ntawv muab qee yam hais txog nqe lus xaus. | Cov me nyuam kawm ntawv muab ib nqe lus los yog ib tshooj lus xaus. | Cov me nyuam kawm ntawv muab ib nqe lus los yog ib tshooj lus xaus. |
| | | Cov me nyuam kawm ntawv tso cov ntsiab lus sib thooj ua ke. |
| | | Cov me nyuam kawm ntawv siv tej lo lus thiab tej sob lus sib txuas los txuas cov tswv yim ua ke, xws li <i>also</i> , <i>another</i> , thiab <i>but</i> . |

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

1. Muab sij hawm thiab ib qho chaw rau koj tus me nyuam los nyeem ntawv ywv siab.
2. Nug koj tus me nyuam seb nws nyiam cov nqe lus, cov txheej xwm, los yog cov kev kawm zoo li cas. Ces mus nrhiav tej phau ntawv nyeem, tej phau ntawv xov xwm (magazines), los yog lwm yam ntaub ntawv hais txog cov nqe lus uas yuav ua rau koj tus me nyuam kub siab los nyeem.
3. Nws tseem ceeb heev thaum koj tus me nyuam pom lwm tus neeg nyeem ntawv tom tsev. Koj muaj cuab kav yuav qhia tej yam koj tau nyeem rau nws.
4. Ua ib qho tsev neeg koom nyeem ntawv ua ke (a family book club). Cia cov neeg tsev ib leeg mus xaiv phau ntawv ib zaug. Qhov no yuav yog ib txoj kev zoo los muab kev txaus siab rau tsev neeg lub sij hawm thaum los koom nyeem ntawv ua ke!
5. Pab koj tus me nyuam mus ua ib daim pib qiv ntawv (library card) tom tsev saib ntawv. Ntau lub tsev saib ntawv muaj cov koom nyeem ntawv ua ke (book clubs) thiab tej yam rau tsev neeg (family activities) uas ua rau kev nyeem ntawv lom zem.
6. Siv cov websites los nyeem tej phau ntawv los yog tej zaj lus sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam puas nyeem tau nyob rau qib duas kawm?
- Kuv tus me nyuam ua tau zoo li cas nyob hauv kev sau ntawv?
- Kuv tus me nyuam qhov ua tau zoo thiab qhov ua tsis tau yog dab tsi?
- Kuv muaj cuab kav yuav ua li cas tom tsev los xyuas mee kom kuv tus me nyuam kawm tau?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.

Adapted from Parent Roadmaps to the Common Core State Standards, Council of Great City Schools, www.cgcs.org